

直隸絳州志卷之五

人物上

周

梁 宏晉人桓王十一年曲沃武公伐翼宏爲石

韓 萬晉莊伯弟也桓王十一年曲沃武公伐翼萬御  
戎逐翼侯於汾隰驂絰而止夜獲之

原 黜曲沃武公臣桓王十三年曲沃滅荀以其地賜  
之是爲荀叔

士 薦晉獻公時爲大司空桓莊之族偪獻公患之用  
士薦謀盡殺羣公子使城絳晉始都焉又諫伐虢諷

太子申生逃無使罪至悼公時命右行辛爲司祭使  
修士薦之法

趙 夙爲晉獻公御戎以滅耿滅霍滅魏還賜趙夙耿  
爲大夫

畢 萬晉獻公時爲戎右滅耿霍及魏賜畢萬魏爲大  
夫卜偃曰畢萬之後必大萬盈數也魏大名也以是  
始賞天啟之矣

里 克晉獻公時爲中大夫公使太子申生伐東山臯  
落氏克諫君之適嗣不可以帥師後驪姬欲譖太子  
而難里克使優施以歌試之計乃得行後卒殺襄齊

卓子而欲納文公惠公立伏劍而死

荀息晉獻公時大夫以肩產之乘垂棘之璧假道於虞以伐虢師還滅虞後傅奚齊獻公疾以孤托之後里克殺奚齊荀息立公子卓以葬里克復殺之荀息死之

狐突晉獻公時大夫太子申生伐東山臯落氏突爲

御戎太子將戰突諫曰昔辛伯諗周桓公云內寵並后外寵二政嬖子配適大都耦國亂之本也今爾本成矣孝而安民子其圖之與其危身以速罪也後懷公立命無從亡人期而不至無赦突子毛及偃從重

耳在秦不名懷公執而殺之

卻 豹字叔虎爲晉獻公大夫伐狄柎豹乘城被堅先  
升遂克之子芮事公子夷吾驪姬之亂隨夷吾出亡  
賂秦以求入襄王三年立爲惠公平鄭言於秦伯名  
呂甥卻稱冀芮臣出晉君公納重耳秦伯名三子芮  
曰幣重而言甘誘我也遂殺平鄭及文公入謀焚公  
宮而弑之不獲秦伯誘殺之

慶 鄭晉惠公時大夫秦饑乞糴於晉晉人弗與慶鄭  
曰背施無親幸災不仁貪愛不祥怒鄰不義何以守  
國弗聽秦伯伐晉晉侯逆秦師乘小駟鄭人也慶鄭

曰乘異產以從戎事及懼而變將與人易君必悔之  
弗聽遂獲於秦

韓

簡韓萬孫晉惠公時爲大夫襄王八年秦伯以閉

糴之故伐晉公使簡視師復曰師少於我鬪士倍我  
出因其資入用其寵饑食其粟三施而無報是以來  
也今又擊之我怠秦奮倍猶未也及戰秦獲晉侯以  
歸初獻公筮嫁伯姬於秦遇歸妹之睽史蘇占之曰  
不吉及公在秦曰先君若從史蘇之占吾不及此簡  
侍曰龜象也筮數也物生而後有象象而後有滋滋  
而後有數先君之敗德及可數乎史蘇是占勿從何

益

瑕呂館甥字子金晉惠公自秦使卻乞召之館甥教之  
言曰朝國人而以君命賞且告之曰孤雖歸辱社稷  
矣其卜貳圍也衆皆哭乃會秦伯盟於王城秦伯曰  
國謂君何對曰小人感謂之不免君子恕以爲必歸  
秦伯曰是吾心也乃歸晉侯

趙 衰字子餘趙夙弟從晉文公出亡在外十九年以

壺殮從餒而弗食秦伯享公子犯曰吾不如衰之文  
請使衰從文公立初爲原守後佐中軍衰從亡時狄  
人以叔隗妻衰生子盾文公又妻以女生原同屏括

樓嬰卒論成

狐 毛狐突子從晉文公出亡城濮之戰毛設二旆以  
敗楚

狐 偃字子犯狐突子從晉文公出亡獻公薨秦伯召  
文公公對以喪人無寶仁親以爲寶偃實教之及齊  
齊桓公妻之公安於齊姜與偃謀醉而遣之公入晉  
偃與秦晉之大夫盟於郇公立勅以勤王城濮之戰  
佐上軍偃以上軍夾攻子西楚師敗績文公出穀成  
釋宋圍一戰而霸皆子犯之謀也

魏 犇畢萬孫初從晉文公出亡城濮之役爲右入

曹夔僖負羈氏犇傷於胷公欲殺之而愛其材使視之犇東胷見使者曰以君之靈不有甯也距躍三百曲踊三百乃舍之子呂錡爲晉卿

介之推從晉文公出亡嘗割股以療公饑及文公立賞從亡者之推不言祿祿亦弗及遂與其母隱於綿山而死後文公旌之以田

卻 穀晉文公時將中軍被廬之蒐作三軍謀元帥趙衰曰卻穀可臣聞其言說禮樂而敦詩書君其試之先 軫晉文公時佐下軍城濮之戰以上德故將中軍

與卻漆以中軍公族橫擊楚師遂敗之襄公時敗秦



師於殺獲三帥公因文嬴之請釋秦囚軫怒而唾後  
狄伐晉軫自以爲無禮於君免胄入狄師死焉

胥臣曰季從晉文公出亡有功城濮之戰蒙馬以虎皮  
先犯陳蔡陳蔡奔使過冀薦冀缺於公後襄公以先  
茅之縣賞之曰舉卻缺子之功也

欒 枝欒賔之孫晉城濮之戰將下軍使輿曳柴而僞  
遁以誘楚師遂敗之卒諡貞

卻 缺卻芮子初以父罪耕於冀曰季使過冀見缺禱  
妻饁之敬相待如賓與歸言於晉文公以爲下軍大  
夫襄王二十三年晉敗狄於箕缺獲白狄子公命缺

爲卿復與之冀河曲柳棼諸戰皆將有功靈公初說  
趙盾歸衛地復說盾召士會歸晉定王六年代盾將  
中軍九年求成於狄衆狄皆服於晉卒諡成子克亦  
執晉政

荀林父晉文公時爲下軍御戎敗楚師於城濮佐下軍  
敗秦師於河曲景公時將中軍敗於邲後伐鄭滅赤  
狄賞以千室卒諡桓先是文公作三行以禦狄桓子  
將中行故爲中行氏子庚佐欒書將中軍庚子偃亦  
執晉政

士會士蔣子事晉文公襄公食邑於隨及范故稱隨

季亦稱范季襄公死趙盾使逆公子雍於秦靈公立  
雍不得入會奔秦秦人用之晉患焉趙盾用卻缺之  
言復會邲之戰會將上軍晉師敗上軍獨不動後執  
晉政王室亂會平之趙文子稱爲利其君不忘其身  
謀其身不忘其友卒諡武子士燮厲公時佐中軍士  
魴悼公時爲卿悼公初政使士渥濁爲太傅修范武  
子之法

李 離晉文公之理也過聽殺人自拘當死公曰下吏

有過非子之罪離曰君以臣能聽微決疑故使爲理  
今過聽殺人罪當死遂伏劍

狼 暉爲晉襄公右箕之役先軫黜之其友曰盍死之  
暉曰吾未獲死所死而不義非勇也及戰於彭衙以  
其屬馳秦師死焉君子謂狼暉於是乎君子

趙 盾趙衰子初佐中軍陽處父謂趙盾能易爲中軍  
帥始爲國政制事典正法罪辟刑獄董逆逃由質要  
治舊洿本秩禮續常職出滯淹旣成行諸晉國以爲  
常法後靈公不君盾驟諫公使鉏麇賊之麇觸槐而  
死公又伏甲攻之其右提彌明及公介靈輒救之乃  
免卒諡宣子朔爲晉大夫

董 狐晉太史靈公欲殺趙盾盾出奔已而趙穿弑公

盾遂復狐書曰趙盾弑其君以示於朝盾曰不然狐  
曰子爲正卿亡不越境反不討賊非子而誰孔子稱  
爲古之良史書法不隱

荀 首林父弟晉景公時爲下軍大夫邲之戰箕子以  
中軍佐濟首曰此師殆哉果遇必敗楚熊負羈囚其  
子知瑩首曰不以人子吾子其可得乎射連尹襄老  
獲之射公子穀臣囚之後果以二者易子知瑩歸卒  
諡莊

韓 厥韓萬元孫晉景公時爲司馬鞍之戰執齊逢丑  
父以獻趙氏旣滅厥言於公曰成季之勲宣孟之忠

不可以無後於是復立趙武而反其田簡王元年晉人謀去故絳居郟瑕厥謂不如新田公從之欒書等將弑厲公執厥厥辭曰二三子不能事君焉用厥也後代欒書爲政卒諡獻

欒

書盾之子晉景公時佐下軍邲之戰鄭皇成如晉

師曰楚不設備子擊之鄭師爲承書曰鄭不可從我克則來不克遂往以我卜也趙朔善其言曰必長晉國簡王二年書救鄭與楚師遇於繞角楚師還晉師遂侵蔡楚師救蔡趙同趙括欲戰知莊子范文子韓獻子諫不可書曰善鈞從衆三卿爲主可謂衆矣卒

論武子鷹馴職

伯宗晉大夫景公欲救宋伯宗曰不可天方授楚未可與爭乃止晉侯將伐潞子諸大夫皆曰不可伯宗曰狄有五罪必伐之遂滅潞伯宗每朝其妻戒之曰盜憎主人民惡其上子好直言必及於難後三卻果譖而殺之子伯州黎奔楚

卻克缺之子晉郟之戰佐上軍與士會保其卒不敗定王十五年晉使克徵會於齊齊頃公帷婦人使觀之克登婦人笑於房克怒十八年齊侵魯晉救之克將中軍敗齊師於鞍以洩國恥卒諡獻子錡厲公時

大夫簡王八年使乞師於魯以伐秦錡佐士燮將上  
軍敗楚鄭後爲胥童等所殺

魏 穎 嬖子初嬖有妾無子疾命穎曰必嫁是疾病則  
曰必以爲殉及卒穎嫁之後定王十四年穎與秦師  
戰於輔氏見老人結草以充杜回故獲之夜夢所嫁  
婦人之父謂曰爾用先人之治命余是以報子願悼  
公時爲卿

士 燮 士會子初武子將老屬其從二三子惟敬晉鞮  
之戰燮佐上軍師還燮後入武子曰無爲我望爾也  
乎對曰師有功國人喜以逆之先入必屬耳目焉是



代帥受名也故不敢武子曰我知免矣鄢陵之戰燹欲僞逃楚以紓憂師旋使祝宗祈死曰君驕侈而克敵是天益其疾也難將作矣是年卒諡曰文子士句亦秉晉政

知 瑩荀首子食知邑故稱知氏邲之戰爲楚所囚後首佐中軍晉歸楚公子穀臣楚亦歸瑩後從欒書敗秦師於麻隧又迎悼公於周韓厥老代爲政相悼公以復霸業卒諡武子盈

卻 至卻克族子晉厲公時大夫簡王七年如楚聘且蒞盟楚子享之金奏作於下驚而走出曰下臣不敢

麻隧之役至佐新軍十一年晉伐鄭復佐新軍戰於鄆陵至三遇楚子之卒見必下免胄而趨風楚師遁明年厲公嬖臣胥童等譖於公卻氏聞之欲攻公至日受君之祿是以聚黨有黨而爭命罪孰大焉遂與錡犇並遇害

**卻** 毅卻至弟簡王八年晉伐秦毅御戎欒書子欒鍼爲右戰於麻隧敗之十一年復御厲公鍼亦爲右敗楚鄭於鄆陵

**荀** 偃林父孫庚子晉鄆陵之役偃佐上軍靈王十三年悼公蒐於綿上遂以偃將中軍平公卽位偃帥師

敗楚侵方城之外代知罃爲政十八年平公伐齊偃  
禱於河而濟齊師遁遂以中軍克京茲反濟河而卒  
諡曰獻子吳嗣職

士 句士變子靈王八年聘魯告將用師於鄭公享之  
句賦標有梅將出季武子賦彤弓句曰先公文公受  
彤弓於襄王以爲子孫藏句也先君守官之嗣也敢  
不承命君子以爲知禮十三年悼公蒐於綿上使句  
將中軍讓於荀偃而佐之十九年侵齊及穀聞喪而  
還時稱知禮是年代荀偃爲政卒諡宣子士鞅亦執

晉政

趙 武朔子盾孫也同括之難武從姬比畜於公宮及  
長韓厥請立之悼公卽位使佐新軍代范匄爲政令  
薄諸侯之幣而重其禮宋之盟叔向說武務德無爭  
先武從之乃先楚人相晉八年晉國無亂卒諡文

韓無忌厥之子悼公以其鎮靖與荀家荀會欒廩並爲  
公族大夫使訓卿之子弟及厥告老將立之無忌有  
廢疾辭請立弟起公謂無忌仁能長公族大夫卒諡  
穆子襄平嗣職

韓 起厥之子無忌弟也無忌稱其賢讓立之悼公使  
佐上軍靈王八年諸侯伐鄭起與荀偃將上軍鄭人

行成平陰之役起與趙武以上軍圍盧還自沂上魯  
襄公賜以三命之服二十五年聘於周王使請事對  
曰晉士起將歸時事於宰旅無他事矣王曰韓氏其  
昌阜於晉乎二十六年宋向戌欲弭諸侯之兵以告  
晉起言而許之後聘魯觀書於太史氏見易象與魯  
春秋用禮盡在魯矣聘鄭起有玉環其一在鄭商  
起買諸賈人子產不可起遂辭玉列聘諸國賦詩贈  
答無失禮後代趙武爲政卒諡宣子

祁奚爲晉悼公中軍尉平公卽位爲公族大夫請老  
公問嗣稱解狐其讐也將立之而卒又問對曰午也

可時羊舌職死公問孰可代奚舉羊舌赤君子謂奚能舉善稱其讐不爲諂立其子不爲比舉其偏不爲黨後叔向以其弟羊舌肸黨樂盈思執奚與范宣子言諸公而免之

魏絳魏犢子晉悼公時爲中軍司馬公兼揚子亂行於曲梁絳戮其僕公欲殺之絳授僕人書將伏劍公讀其書跣而出曰吾子之詩軍禮也子無重寡人之過使佐新軍絳請和請弋曰諸侯羸服我德則服否則攜貳勞師於戎諸華必叛公說使絳盟諸戎修民事田以時又請施舍以息民三駕而楚不能與爭賜

以金石之樂卒諡莊子舒執晉政

師曠字子野爲晉樂師悼公曰衛人出其君不亦甚乎對曰或者其君實甚天之愛民甚矣豈其以一人肆於民上以從其淫而棄天地之性必不然矣平公時聞有楚師師曠曰吾歌南風多死聲楚必無功景王十二年石言於晉魏榆曠曰石不能言或馬焉不然民聽濫也抑或作事不時則有非言之物而言叔向曰君子之言信而有徵

士鞅士匄子晉平公時爲公族大夫靈王二十三年欒盈帥曲沃之甲因魏舒以入絳士匄奉公如固宮

鞅逆魏舒命驅之士旬逆諸階賂以曲沃欒氏乘公門鞅用劍以帥卒乃退欒氏

荀 吳偃子晉平公時卿景王十七年吳自著雍以上軍侵鮮虞大獲而歸十八年帥師圍鼓鼓人或請以城叛弗許使鼓人殺叛人而繕守備告力盡而後取之不戮一人卒諡穆子寅

絳縣老人無子晉平公時食輿人之城祀者往與於食使之年曰臣生之歲正月甲子朔四百有四十五甲子矣其季於今三之一也更走問諸朝師曠曰七十二年矣趙孟名之而謝過焉使助爲政辭以老以爲



絳縣師

羊舌大夫有友爲申生尉申生被讒或勸之行曰不可  
違命不孝棄事不忠子其死之其少也恭而順心有  
恥而不使過宿其爲大夫也悉善而謹其端其爲輿  
尉也信而好直其功至於其爲容也溫長而好禮博  
聞而時出其志此羊舌大夫之行也孔子云

羊舌職羊舌大夫子簡王十八年爲晉中軍尉佐悼公  
以職之聰敏肅給也故使之

羊舌赤字伯華職之子職卒悼公使代父任食邑銅鞮  
其爲人之淵源也多聞而難誣內植足以沒其世國

家有道其言足以治無道其默足以生蓋銅鞮伯華之行也孔子云

羊舌肸字叔向職之子赤之弟靈王二十七年諸侯之大夫盟於宋宋公享之晉趙武爲客楚子木與之言弗能對叔向侍言子木亦不能對景王十年鄭人鑄刑書叔向使詣子產書曰國將亡必多制其此之謂乎晉韓宣子之適楚也楚人弗逆公子棄疾及晉境晉侯將亦弗逆叔向曰楚辟我衷若何效辟乃逆之見單子視下言徐決其將死聞魯昭公之不感而知其失國其言多驗事悼平昭三公幾四十年以德義

輔君以博識嫺禮問列國孔子稱爲古之遺直娶於  
申公巫臣氏生伯石黨於祁盈而助亂殺之遂滅羊  
舌氏

魏舒絳子敬王二年代韓宣子爲政分祁氏之田以  
爲七縣分羊舌氏之田以爲三縣使司馬彌牟等十  
人爲之大夫子戊亦與焉仲尼聞魏子之舉也以爲  
義曰近不失親遠不失舉梗陽人有獄賂舒以女樂  
辭之

董安于趙鞅臣敬王二十四年晉荀寅范吉射將攻趙  
鞅安于告鞅曰先備之鞅曰晉國有命始禍者死安

于曰與其害於民寧以獨死鞅不可知文子使告趙  
孟曰范中行氏雖信爲亂安子則發之二子既佐其  
罪矣安子曰我死而晉國甯趙氏定將焉用生乃縊  
而死趙氏祀安子於廟

方立誠云左國諸書紀列國者十之五六紀晉者  
十之四五意晉國人文實有不可滅沒者耶孔子  
稱列國大夫凡十晉獨居五曰趙文子曰隨武子  
曰銅鞮伯華曰羊舌大夫曰介山子推至於董狐  
之爲良史趙盾之爲賢大夫並取而稱美之何其  
盛與惜乎河上迴轅晉未有車轍馬跡使孔子親

臨其地其流風餘韻必有經聖裁而愈顯者又當  
何如也說者謂唐虞三代之遺風餘思尚存焉故  
賢人君子往往出於其閒世風丕變仰機利者日  
漸流於競逐較鎔銖角奇贏始於營積繼以驕奢  
終於貪刻風俗人心不可言矣夫豈後人不逮於  
昔哉予謂賢士大夫有轉移風會之責砥波廻瀾  
止在一風厲閒苟以好賢樂善爲尚則好賢樂善  
誠足尚矣苟以攘利損人爲賤則攘利損人羣知  
其爲可賤矣苟以奢僭輿服爲可鄙則里中之人  
咸知奢僭輿服爲可鄙矣里無矜炫則人心朴時

無華耀則風俗厚賢人君子有不項背相望於其  
閒哉吾願賢士大夫先民是程大猷是經俾前人  
不得專美於昔詎不美與

劉顯第曰師服士蔞畢萬卜偃荀息欒枝史蘇先  
軫竇犖士燮士句知瑩解揚張老祁奚魏顥魏絳  
伯瑕狼躄士鞅等皆晉人晉都於絳則皆絳人也  
但故絳舊址在州北二十里外太平縣界內一在  
州東南五十里外曲沃縣界內所謂晉者當與太  
平曲沃鼎分之矣然皆無古蹟可考如堯陵在平  
陽今遣官所祭者乃在山東李太白蜀人也或以

爲隴西或以爲山東或以爲夜郎皆稱故里賢人君子所生各異人皆樂與之同里東西南北共此域中高節清風聞聲知慕人之懿好則然此吾於晉國諸賢知其爲絳而願吾州之祀之也

按舊志載周時人物僅有士會韓厥韓起董狐荀

林父荀吳趙武羊舌大夫羊舌職卻縠羊舌赤羊

舌肸師曠十三人俱列入鄉賢凡晉之賢士大夫

多所遺漏未知去取何憑又所載十三人不分時

代先後尤乖體例今就左傳國語史記諸書所載

晉國人物擇其卓卓表見者按年補入且人物旣

繫諸周宜編周王年號今悉按年填載再考故絳  
舊址在今州北二十里外太平縣界內新絳在今  
州東南五十里外曲沃縣界內茲所載晉國諸人  
里居湮沒無考未必盡在今絳州界中然主名有  
在不得旁入太平曲沃反見屏於絳志也况古者  
倉氏廋氏有以官名其氏者想多以家就官則雖  
如卻缺舉於冀師曠傳爲古羊邑人而旣宦於絳  
姑列絳州人物門查左傳杜註最爲近古於晉國  
諸大夫罕有紀其里居者倘有博學君子知其確  
非絳產仍不妨另載他邑茲或不免借才之憾云



後周

楊 擢字顯進正平高涼人父猛爲郃郡白水令擢少  
豪俠有志氣魏爾朱榮殺害朝士城陽王元徽逃難  
投擢擢藏而免之以義烈聞擢拜伏波將軍轉正平  
郡守累功封郃陽縣伯祀鄉賢

隋

程 元因薛收而見於文中子與之言六經退謂收曰  
夫子載造藝倫一匡皇極微夫子吾其失道左見矣  
元嘗借收見文中子問曰二生之學文奚志也對曰  
尼父之經夫子之續不敢怠也文中子曰允矣君子

展也大成居而安動而變可以佐王矣文中子嘗謂  
聞過而喜程元能之謂李靖智勝仁程元仁勝智又  
嘗許程元王季逸之文王凝曰夫子得程仇董薛而  
六經益明對問之作四生之力也

霍 汲黯於漁精樂律文中子嘗曰吾正樂於霍生見  
持竿者幾焉吾將退而求諸野矣

唐

敬君洪累功封黔昌侯以屯營兵守元武門隱太子之  
死與中郎將呂世衡呼而進皆戰沒

裴 灌闢喜縣人裴琰之子徙居絳州舉明經遷監察

御史時崔湜鄭愔典吏部坐姦賊爲李商隱所劾詔  
灌按訊灌執正其罪天下稱之睿宗造金山玉直二  
觀旱甚役不止灌上疏諫開元中累遷吏部侍郎甄  
拔士類爲多擢吏部尚書改太子賓客卒諡懿祀鄉  
賢

譚 忠祖琮天寶末令內黃殉城忠豪健喜兵范陽節  
度劉濟與二千人障白狼口後將漁陽軍留范陽元  
和五年伐趙魏博節度田季安欲先捍之忠時使魏  
入語季安曰是引天下之兵也不如悉甲壓境陰遣  
趙人書使遺魏一城魏得持之奏捷則霸基安矣季

安曰善遂用其謀忠歸燕謀欲激燕伐趙會濟合諸將議忠疾對曰天子必不使我伐趙趙亦不備燕濟怒擊之使人視趙果不備燕後一日詔果來使無伐趙濟名問何以知之忠曰此潞盧從史計以燕販忠也濟乃下令軍中曰五日畢出後者醢以徇遂屠趙饒陽束鹿十四年趙人獻城冬誅濟忠因說濟弟總曰凡天地數窮合必離離必合河北於天下相離六十年矣此亦數之窮也必與天下復合總泣且拜曰吾心定矣明年春總去范陽卒於趙忠護喪西數日亦卒忠官至御史大夫弟憲安次令祀鄉賢

宋

薛

奎字宿藝舉進士性剛不苟合遇事敢言又能知

人善任以嚴治京師以寬治蜀皆以最稱遼使蕭從  
順請見章獻后奎獨以理折之乃止章獻后欲以袞  
冕謁太廟奎力陳其不可后不能奪爲改服章獻崩  
上泣謂羣臣曰太后頃數引其衣若有所屬何也奎  
曰其在袞冕也服之豈可見章聖於地下卒以后服

欲上嘗數宴大臣奎諫曰天下誠無事而大臣數被

酒無威儀非所以重朝廷也上嘉納焉累官至龍圖

閣學士叅知政事卒諡簡肅子直孺謹飭好學卓卒

以弟子仲孺嗣廕將作監主簿累遷太子右贊善大  
夫殿中丞兄睦有隱操以恩例補右班殿直居頃之  
棄去不復仕以德行文學爲鄉善人弟塾以恩例官  
內殿崇班兄子長孺尚書虞部員外郎知絳州軍事  
良孺國子博士俱歐陽修誌表其墓祀鄉賢

孟宗政字德夫父林從岳飛至隨州僑家焉宗政有膽  
畧爲京西鈐轄駐劄襄陽屢敗金人代許國爲荆鄂  
都統制中原遺民來歸者萬數發廩贍之給田創屋  
與居籍勇壯號忠順軍威振境外金人呼爲孟爺爺  
病卒轉右武大夫團練使防禦使生平好賢樂善

不遺仇罪不避親死之日邊城罷市鬪哭祀鄉賢

孟 珙字璞玉宗政子屢卻金兵授忠翊郎又辟東西

第五副將權管神徑左右軍統制初宗政招唐鄧蔡壯士二萬餘人號忠順軍命江海總之衆不安以珙代分其軍爲三衆乃帖然復創平堰於棗陽建通天水槽溉田十萬頃紹定六年元暹蔡檄珙戍鄂討金

唐鄧行省武仙屢破之武仙奔還軍襄陽轉修武郎

鄂州江陵府副都統制元遣王徹約攻蔡珙請以二

萬人行拔其城降其丞相烏古論栲栳殺其元帥兀

林達端平二年授主管侍衛馬軍司公事駐黃州朝

辭問恢復對曰願寬民力蓄人材以俟機會問和議對曰臣當言戰不當言和賜賚甚厚兼知光黃州節制黃蘄光信陽四郡軍馬元兵攻蘄州襄陽躬往節度破砦二十有四還民二萬收復京襄琪謂必得郢然後可通餽餽得荆門然後可出奇兵由是發兵深入所至以捷聞拜用武軍節度使四川宣撫使釐蜀弊政爲條頒諸郡縣五年以職事修舉轉行兩官許回授琪至江陵登城嘆曰敵一鳴鞭卽至城外乃修復內隘十有一別作十隘於外障漳水爲巨浸民不知役病革嘆曰三十年收拾中原人今志不克伸矣



卒於江陵府治是月朔大星隕境內聲如雷贈太師  
對吉國公諡忠襄廟曰威愛珙忠君體國可貫金石  
名位雖重惟建鼓旗臨將吏而色凜然退則焚香掃  
地隱几危坐蕭然事外遠貨色絕滋味其學邃於易  
著警心易贊亦通佛學自號無庵居士

金

李

愈字景韓正隆閒進士慷慨尚志節大定閒典解

郡明昌中召授曹王傅從王賜宴北部還奏諸部貢  
馮止可委招討司受於界上量給廻賜省費以廣邊  
儲擬沿邊創設重鎮十數田給於軍者許募漢人佃

種不必遠輓而兵自富強上嘉其忠尋擢河南路提  
刑使以最著改河平軍節度使遷刑部尚書奏除陳  
言洩漏科罪舊條以廣言路上將巡幸長樂以屢諫  
乃止復授河平軍節度使改知河中府事致仕卒諡  
清獻所著狂愚集二十卷祀鄉賢

梁

襄字公贊父定早亡養於叔父甯性穎悟日記千  
餘言大定三年進士令瀆化有善政察廉升慶陽府  
推官召爲薛王府椽時世宗將幸金蓮川上疏極諫  
世宗納之遂罷行襄由是以直聲聞擢禮部主事太  
子司經選爲監察御史尋轉中都路都轉運戶籍判

官未幾遷通節度副使以喪去服闋授安國軍節  
度副使同知定武軍節度使避父諱改震武軍太常  
卿張暉曹州刺史段鐸薦襄學問該博練習典故可  
任禮官轉同知順義軍節度使事歷東勝州隰州刺  
史終保大軍節度使襄長於春秋左氏傳至地理氏  
族無不該貫自蚤達至晚貴膳服常淡薄人士雅欽  
之祀鄉賢

梁持勝字經甫保大軍節度使襄之子多力善射泰和  
六年進士復中宏詞科累官太常博士遷咸平路宣  
撫使經歷興定初宣撫使蒲鮮萬奴有異志欲棄咸

平持勝力沮萬奴怒杖之上京行省太平與萬奴通謀口稱持勝忠署左右司員外郎而焚毀上京奪元帥承充軍持勝與咸平治中裴滿賽不萬戶韓公恕約殺太平復推承充行省事事泄俱被害贈中順大夫韓州刺史

孫 鎮字安常高才博學嘗中省試魁承安二年五赴廷試賜第以陝令致仕年八十四卒所著見總目祀鄉賢第用州刺史錡字安世潘原令鉉字安道同榜擢第鄉人榮之號三桂孫氏

孔錦山字晉望雄勇多智畧善騎射初襲父爵千夫長  
從征累有功戰於茶山時墜馬騰上者三咎安撫嘆  
曰真奇士也世祖賜錦衣弓矢鞍勒諭以回跽之事  
錦山對曰人惟爲善則美名自臻累陞礪門等處鎮  
守萬戶子禿魯卜有父風次也先不華俱礪門等副  
千戶佩虎符祀鄉賢

張仲儀字伯威由絳州學正入翰林改杭州路總管府  
判官稱能吏海甯潮溢沒民田廬仲儀禱於海神水  
隨退遷江西行省左右司都使歲饑民將爲變仲儀  
單騎出撫之民感泣散去言於省臣發粟賑濟擢亞

中大夫撫州路總管卒年六十九封正平縣男明宋  
濂銘其墓祀鄉賢

姚天福字君祥讀春秋通大義辟懷仁丞至元中召拜  
監察御史條奏宰相阿合馬罪二十有四召廷辨天  
福枚數之至於三氣沮色喪上曰此三者罪已在不  
宥因目天福曰巴兒思臣下有違太祖之制干朕之  
紀者汝抨擊之無隱廷臣皆震悚巴兒思者謂不畏  
強悍猶虎也帝仍加厚賜天福曰言臣分也受賞非  
分也卒不受時御史臺置二大夫天福曰古稱一蛇  
九尾首動尾隨一蛇二頭不能寸進今臺綱不張有

一蛇二頭之患陛下不急拯之久則紊不可理大夫  
孛羅遂以年少引退按行畿輔時監敢普得罪御史  
按之不服天福廉得其死罪十有七俄以宥免經臺  
門大詬急捕之檢行囊得賄侍御史安兀矢納救免  
狀明日陛奏上曰彼七死猶赦汝欲何爲天福對罪  
十有七條赦七留十餘誰歸上悟戮敢普而斥安十  
二年罷按察司天福曰是司之設所以廣視聽虞非  
常慮至深遠不但繩有司已也大夫王昔帖木耳駭  
曰微公言幾失之夜入帝卧內奏其言帝大悟詔復  
立阿合馬益不悅左遷衡州路同知不就後歷河東

淮西湖北諸道按察使善辨疑獄大德四年拜叅知政事大都路總管兼大興府尹六年卒年七十二諡忠肅祀鄉賢

尉遲天澤仕金爲庫官郡王帶孫拔絳州澤在俘中道見兵死者輒涕泣收瘞之帶孫令佩金符授霍州御衣局總管子彙仕至潞州知州

尉遲德誠字信甫歷官太子率更丞遷家令司丞仁宗以爲謹恪常賜酒帛得侍左右數薦士出則未嘗語人廳事前有粟苗不種而萌偶出一莖雙穗衆以爲嘉禾遷河東山西道宣慰司同知擊姦吏寬稅斂上



計入見上方食賜以餽餘擢工部尚書未拜改陝西  
行臺治書侍御史遷京畿都漕運使拜遼東道肅政  
廉訪使上疏言事曰勞諸王以懷其心防出入以嚴  
宮禁立諫官以遠讒佞崇科舉以求人才立常平以  
備荒年汰僧道以寬民力舉賢良以勵忠孝抑奢侈  
以厚風俗及拯鈔法裁冗官等事未報卒年五十三  
祀鄉賢

韓亨甫出中書省掾授監察御史後調東平路總管至  
正閒毛貴作亂守城死節贈陝西行中書叅議祀鄉

賢

李思敬字君讓由中書省西曹掾累仕至肅政廉訪使  
以孝廉稱祀鄉賢子候有文學授榆社縣尹後至肅  
政廉訪副使孫士林亦貴時名其里曰登瀛

直隸絳州志卷之十一

人物中

明

高鐸字鳴道從李彥英遊與陳行義共朝夕學益進  
洪武甲子鄉試第一甲戌進士累官刑部侍郎調僉  
都御史舉師李彥英爲本州訓導舉友陳行義知蘇  
穎二州築畱都城開三山街奏遷金城驛爲侯馬驛  
卒贈尙書祀鄉賢

李彥英性英敏博通五經洪武初廉訪天下通經之士  
使主師席門人高鐸薦授平陽絳州訓導勤於教誨

直隸絳州志 卷之十一  
一時科第多出其門人稱爲五經夫子祀鄉賢

張徽永樂戊子舉人任陝西永壽縣知縣廉介自持  
秋毫不苟取鄉里稱之祀鄉賢

陶春祀鄉賢事迹無考

蓋猿宣德乙卯舉人任陝西靜甯知州莅政廉能有  
古循吏風靜甯人名宦祀鄉賢

賈顒宣德閒副貢通判黃州以廉介稱

韓英正統戊午舉人任泗州同知多惠政施藥活病  
人收瘞枯骨民遭水患力拯之吏部考最祀鄉賢

郝矩由歲貢任工部主事奉命修高郵湖岸四百里

有碑記載其功

陶銓字文衡正統乙丑進士授行人奉命至太原會中官王振亦至聲勢烜赫銓不一往謁歷陞陝西參議和平愷悌士民戴之致仕歸構小軒曰一閒與鄉里耆碩爲九老延齡會有盜持炬入室見惟敝書舊衣嘆息去有司欲窮治銓曰彼以貧來值吾貧而去奚究焉其溫厚類如此祀鄉賢

范忠景泰閒副貢爲樊山府教授天性質直輔導有方時郡王好騎臨險苦諫止之

李纒瑛孫景泰癸酉科舉人歷任彭縣洛南儀羌知

縣所至以廉介稱

劉 預麟遊知縣有惠政士民戴之

陶 璽字廷用銓第四子天順甲申進士性通敏廉潔  
初授戶部主事遷員外督德州倉儲先是邾城所輸  
未足額當事者積其粟於河岸而逮繫其官吏三年  
猶未結璽至廉得其狀即日釋之自是勸輸恐後終  
其任無少逋者薊州民田五萬餘頃爲豪右所據璽  
奉命清查悉得歸民齎帑金餉遼左榆林軍分給公  
平軍士胥悅山陝歲洊饑民多流移有司徵逋賦甚

急璽奏請蠲之遷郎中出爲長蘆運使總攝 權愈

勵清操前使者藏金署井中求得之悉付還人稱君  
子祀鄉賢

劉述宗成化辛卯科舉人爲揚州府通判羸官以廉介  
稱

王琪成化甲午科舉人爲崇府長史淹貫經史人多  
服其勤敏

閻重成化甲午科舉人官至靜甯州知州勤慎慈愛  
士民德之

姚達字文達成化丁酉科舉人授宜川訓導條約嚴  
明教人以正心誠意之學士子皆有所矜式比三年

歲大饑使子偉抵家攜兄姪至宜川資俸以養九年  
秩滿改宣府萬全衛訓導衛諸生素務弧矢而輕詩  
書遠請於當道始置學田進諸生講經史及孫吳書  
勤墾忘倦未幾京闈中式二人襲職至參遊三人指  
揮千百戶三十餘人時諺曰邊陲文武臣多出先生  
門秩滿士大夫製詩畱別諸生泣送百里外陞考城  
教諭條約如宜川辭歸不允又陞彰德教授尋以疾  
致仕居官三十載善育人才多所成就契於功利泊  
如也祀鄉賢

毛

憲成化丙午舉人性孝友博涉經史由祥符訓導



擢孔顏孟三氏教授轉西安府學教授師道尊嚴言  
行不苟嘗曰士子讀書處事只求一個是令諸生宿  
號舍夜行以巡之其貧而好學者必捐俸助給一時  
陶成最多陞韓府長史今祀鄉賢子錐舉明經清河  
訓導

范通成化丙午舉人歷任唐縣齊河縣知縣廉介有  
政績

韓重字瀉夫英之子成化戊戌進士性通敏貌魁梧  
初授禮科給事轉本科都給慷慨敢言劾方士李省  
孜交結太監梁芳等左道要寵芳降南京御園監閑

件逮省改錦衣獄憲宗寵幸萬妃服物多擬於后疏  
爭之憲宗怒杖於廷明日復諫如初從之番僧法王  
領占竹等倡西番之教濫膺爵賞擅作威福重劾奪  
印勅用發遣去出爲陝西參政遷右布政使清軍務  
督馬政以最擢應天府尹廉敏益著降旨褒諭補順  
天府尹遷右副都御史巡撫遼陽論鎮守太監梁玘  
貪暴不法罷之尋改巡撫湖廣題請計處運糧以便  
軍民併屬設官以安地方二疏甚偉時貴州都勻作  
亂公運餉勦平降勅諭獎擢南北兵部侍郎進南京  
工部尙書疏請止不急工役忤劉瑾矯旨羈滯揚

州年餘疽發背卒瑾誅賜祭葬如例其事績詳明朝  
典則王弇州中官考明朝大政紀山西正祀考諸書  
嘉靖閒知州許用中申請立祠專祀今祀鄉賢曾孫  
科貢士任濟南通判廉介有祖風

陶

琰字廷信銓子成化辛卯鄉試第一辛丑成進士

授刑部主事決獄稱平累遷右副都御史巡撫河南

廉介絕俗每飯一蔬人呼青菜陶黜賊吏數人屬吏

震懾遷刑部侍郎適遊擊徐謙誣奏御史李高謙逆

瑾黨也賂瑾欲中高琰承旨往覈據法直高瑾怒矯

詔下獄罷去瑾怒未已復罰米四百石瑾誅官交

薦起左副都御史總都漕運單車至鎮廉得諸幸豎  
豪猾者悉治以法權勢斂手中使敬憚罔敢需索會  
河北姚源諸賊騷動承命巡視進右都御史簡任惟  
允調度周詳北賊殄滅西賊聽撫次年復犯大破賊  
巢餘黨悉平捷聞賜璽書金綺進俸從一品甯紹瀨  
海颶風漂溺無筭躬按其地發帑金賑濟仍築堤自  
蕭山抵餘姚凡五萬餘丈乃奏設兵備道守要害遂  
城開化常山遂安蘭谿諸邑境內以靖復命總督漕  
運引疾歸疏七上乃得請世宗初起故官凡三督漕  
政軍民懽聲雷動擢工部尙書詔侍經筵轉南京兵

部尚書歲餼移檄大賑全活甚衆裁革宦官快船官  
民無擾事皆先發後聞乞休疏十上乃得請詔加太  
子太保賜乘傳歸行李僅三竹筒時稱陶三和歲時  
命有司存問年八十四卒上聞悼念諭祭九壇遣行  
人嚴寬建塋贈少保諡恭介立祠專祀其事績具載  
名臣錄山西正祀考直隸廉平錄諸書祀鄉賢

閩 珪安阜坊人咸化癸卯舉人通州學正九年陞西

安府教授劉儲秀杜某時爲童生珪見而奇之兩生  
貧杜尤甚乃延之學與子宗舜聯榻親爲課業資以  
饗殮仍爲杜完室陞國子博士秩滿歸負宅而居劉

爲督學杜爲方面相繼顯達珪故卽窀而杜始聞臨  
塚致祭哭之慟蓋恩誼所感也祀鄉賢

梁 榮成化閒副貢昌邑主簿性篤厚廉潔運糧有羨  
餘悉歸之公無纖毫入已

陳希良安阜坊人洪治戊午舉人性嚴毅爲眞定推官  
定州豪楊錫以產故控於巡撫巡撫委希良鞫之錫  
因以錦衣寇栩太監張雄書求庇希良不受繩以法  
栩與雄憤甚嗾錫訐希良陷於獄竟死嘉靖改元州  
守李文潔以狀聞曹于汴爲之贊眞定入名宦祀鄉

賢

楊澤洪治辛酉科舉人歷任通州隴州知州爲人剛毅果敢尤善知人

李應奎字闡道孝義坊人治甲子科舉人授平山知縣開誠布公與民相信凡八年陞陝州知州有楊昆父子含冤繫獄奎得其情力辨之巡按執不可辨益力竟忤坐罷巡按以他事罷昆冤亦白平山入名宦祀鄉賢

陶滋字晴雨琰長子正德甲戌進士初官行人武宗南巡抗疏力諫伏輦下不起詔延杖幾斃謫國子學正廟列周宣石鼓有毀爲白者文多殘缺滋獨考索

精詳刻石鼓正誤一書尋陞司正擢刑部郎中轉兵部武選世宗初大禮議起以去本生二字伏蒲哭諫廷杖繫獄謫戍榆林後遺詔錄用已前二十年沒矣穆宗卽位贈太常司少卿具載名臣錄山西正祀考祀鄉賢

范 昕字晦之正德癸酉科舉人任趙州世宗幸楚過趙祇事中節駕過次日行宮災大吏將移罪散僚昕不聽慨然自認及爲承天洞社巡按包某委勘陵監家人違法狀昕如法議報陵監誣奏巡按及昕並逮獄昕在獄言動如平時包以鐵漢擬之謫戍南海崇



詔赦壽九十二卒萬曆中晉階四品祀鄉賢

賡

瓚字宗獻省元坊人正德己卯科舉人由教諭遷

藍田令政廉平陞漢中通判會妖人劉列謀不軌瓚  
監軍督率有方斬首五十餘級生擒百餘人獲僞詔  
及妖書欽勞金幣陝西通志列名宦起補保定陞濟  
甯知州節愛有聲再起補通州兩院俱才之京兆憎  
其傲調甯州致仕祀鄉賢

陳

韜字文智歲貢任萊陽縣丞正德六年流賊入境

率三子及民兵拒賊斬首十五級奪回被掠婦女二  
十餘口拒守月餘城陷死之長子裴季子槩亦遇害

惟次子棨身被數十鎗以救免事聞贈登州府通判  
諭祭立廟春秋祀之廕子棨入監祀鄉賢

陶

梓嘉靖甲午科舉人任睢州知州遷兩浙鹽運副  
使去之日士民不忍舍卒於杭舉櫬過睢民哭奠留  
二日始得歸梓德性溫雅平生無疾言遽色師事呂  
涇野得身心之學焉

趙

桐字汝陽三林里人嘉靖癸丑進士授富平知縣  
時撰富平志都憲孫丕揚稱其宏濶不羈警敏絕人  
憐才樂士出於至誠歸田後諸生從遊者衆所著見

總目州志曾經纂輯祀鄉賢

周心易字子時站莊人嘉靖丙辰進士授廣平推官性剛明居官嚴慎執法有聲轉蘇州同知代吳縣審編三日報完升降允當邑人欽服祀鄉賢

陳柏字子秀桂林坊人嘉靖乙丑科進士性簡靜有執持讀書體認本旨不喜穿鑿爲文沉着蘊藉不作浮華署昌邑教諭不攜妻子下帷如諸生時遷內黃知縣以節愛爲務不求赫赫聲民戴之如父母陞戶部主事督儲德州及瓜而卒祀鄉賢

孫光祐字仲篤桂林坊人嘉靖壬戌進士授承天推官陞文選司郎中歷遷應天巡撫在承天分考鄉闈得

蕭良有在選司官惟其人請託不行在吳當大水後  
請蠲夙逋無慮數百萬石妖僧起京口構結甚衆光  
祐殲厥渠魁餘置不問在蜀故事蜀藩朝賀五叩頭  
光祐請如制王曰誠如先生言第彰先王之過柰何  
祐曰克蓋前愆正在此舉王從之終南京戶部侍郎  
祀鄉賢

楊守川嘉靖辛酉舉人授富平知縣動履謹飭不妄交  
一人嚴治吏胥愛百姓若赤子縣北山產石諸郡縣  
來採者故事縣代運之里甲更班焉名匠班歲費數  
千金百姓苦甚守川申請得均派民困乃蘇

張與行字淑用號時菴嘉靖甲子舉人授容城知縣陞  
滄州行取擢南京戶部員外轉本部郎中遷慶陽知  
府調重慶府所至有惠政會播酋楊應龍叛與行議  
招撫播人稔與行言不欺願歸附撫有日矣當道忌  
其功旋議加兵播平以計左閑住未幾詔階致仕歷  
俸二十三年報最數四然亦未竟所用也祀鄉賢  
咸惜之

周尙赤嘉靖歲貢鳳縣主簿行誼修潔聞見博洽

衛聘嘉靖閒歲貢薊州訓導陞河閒教諭爲諸生時

與代人吳嘉會善及以貢入京吳居要地招之不往時論高之

因於夏字宗禹隆慶庚午舉人授襄城知縣繩豪勢以法勸民種樹疏渠備旱轉鞏昌府通判時扯扒溝賊騎擁至公出讖者曰此因爺也遂遁去

許恩字仁甫桂林坊人隆慶庚午舉人令甯陽創建磚城省民歲修費無算募民墾荒給牛種逃亡盡復起補束鹿調館陶會濫藩之國道經陶司禮監張誠

扈行張束鹿人素重恩嚴約從者秋毫無犯陞守曹

申允歸代擔銀千兩濟甯姦僧匿甥女誣甥夫殺甥

獄成恩視夫非殺人者偵僧得甥而夫寃白陞南京  
戶部員外郎尋陞刑部郎中以疾歸祀鄉賢

韓科重曾孫隆慶閒歲貢授濟南通判運糧指揮某  
貪肆民苦之科力陳當道斥去陞葭州行橐蕭然庫  
有羨金三百兩申上封識之不以一錢入橐也葭久  
荒招集賑恤不遺餘力陞韓府長史致仕

王之翰字維藩號清河王莊人萬歷癸酉舉人授膚施  
知縣以憂去起補棗陽有爲崔駟筮易林者不吉翰  
曰孔僖不辭臨晉翰乃辭棗陽乎稅監陳奉欲開青  
山礦翰曰青山實逼顯陵母得輕洩王氣奉怒誣劾

之翰聚衆事下兩臺案驗會上計再補崇信奉飛語  
七上遂削籍抵定州明月店緹騎至翰曰屈原憂楚  
而沉汨羅死於斬尙吾今爲楚而就檻車死於陳奉  
何憾也旋下錦衣獄鞫治上謂論報無狀俾貫鎖守  
鬼柏勿縱舍翰畧無惶遽色閱月上悟奉貪毒激變  
楚民命撫按差官伴送來京欲誅之翰曰楚民活吾  
可以死矣尋斃獄天啟初贈尙寶司少卿賜祭廡予  
入監建祠專祀詳載傳畧見藝文祀鄉賢

陳紹吉萬曆乙酉舉人任保安縣知縣有惠政興學育  
才補給軍糧至今人猶頌之



陳王綱萬曆戊子舉人任東鹿縣知縣多仁政邑人建  
詞祀之調鎮安縣期年之內興利除弊境內稱治

陶

登字汝高竣曾孫萬曆壬辰進士授齊東知縣公

正廉平愛民恤士捐俸金三百葺學甫落成二士脫

穎後起者踵相接也剔奸戢盜持法尤嚴嘗公出會

有羣盜謀劫鄉官劉某聞鑼鳴輒驚遁又捕寘豪猾

田思聖於法百姓手額稱神明丁內艱起捕夏津縣

夏津古郟地當八衝之衝長吏久虛訟牒填委又民

苦納賦不均豪右率引復自匿而貧無尺土者責逋

無用日登於冠蓋旁午之暇明允折獄案無滯牘力

刷侵欺飛灑之蠹賦役稱平無何以他事解任未竟  
所施歸里後每貸粟解衣調貧給乏同里舉人陳紹  
吉卒於官妻孥歸無所依登偕友歛金五百協濟之  
爲詩簡遠文深醕爾雅尤善作山水小景刻溪半尺  
簾獲者如拱璧里子弟執經義質難詳壘曆志曰晁  
不遑一時奉爲楷模云祀鄉賢

馮乘雲萬 開拔貢揚州通判有廉能聲攝兩邑篆裁  
冗汰苛民咸賴之課最陞武昌同知致仕晉階奉政  
大夫修正庶尹居鄉溫厚恬雅動履如寒素里人稱  
之祀鄉賢

梁肇宋例貢授南京留守左衛經歷服闋起北京長陵  
衛經歷歷任十載未嘗攜家居官不亢不卑諸朝士  
翕然器重之屢膺薦卓陞廣東市舶提舉司正提舉  
王臣直原名聯科字聖鄰別號復丸萬歷庚子舉人任  
泗州陵工木料刻日而集當道稱其能丁內艱起開  
州治兵捕盜爲濬滑一帶保障公暇集諸知名士談  
道賦詩開人士集其文曰澶淵雜著詩日夜告亭草  
工行草八分書樂禪開書蹟傳入禁中上見之欣賞  
謂筆法渾成有堵人氣骨詔董金吾徵書於在所賦  
詩書帛以進有孤葵惟向日寸草自知春之句先是

秦寇渡河分守道委練鄉勇爲桑梓衛人倚爲安祀  
鄉賢子大武崇禎庚午舉人

韓雲字景伯萬厯壬子舉人任徐州改漢中推官再  
起葭州藏書數萬卷法帖數千卷與相國徐元扈宗  
伯董思白稱文字交其於星象音韻之學無不究心  
詩工七言律字摹蘇玉局值流寇四起州城議築銃  
臺製銃數十置臺上順治六年之變雷轟霆擊守圉  
增壯實攸賴焉祀鄉賢

王朝麟字海閱萬厯壬子舉人性剛直恥與俗伍博學  
多能拳勇絕倫任陝西臨洮推官手格大豪擒之元

日昧爽緝健訟奸民抵以法境內肅然署涇源嚴剔吏胥諸弊莅政三月百事就理陞葭州知州致仕歸介然自守不與外事雅善書畫尤工詩祀鄉賢

陳 睦萬曆閒歲貢耀州訓導以孝友聞

李宗正萬曆閒歲貢太原訓導性剛方敦孝友

韓 霖字雨公號寓庵天啓辛酉舉人爲文有奇氣書

法在蘇米閒年舞象從兄雲遊婁東爲傅東澗文太

青兩先生所知黃石齋馬素修董思白諸公咸推許

焉後益嗜遊爲聚書計嘗南至金陵登鳳凰臺歷燕

子磯東覽虎邱震澤之盛汎舟南下至武林西湖訪

六橋三竺西南探匡廬遊烏龍潭觀瀑布復由淮南  
北上謁孔林撫手植檜前後購書極多歸築卅乘樓  
以貯之日與及門數十人講誦不輟又嘗學兵法於  
徐公啓學銃法於高則聖有志用世惜未及一試遽  
以避寇山堡遇難君子惜焉所著見總目祀鄉賢

陶

註字惟道號東籬滋之元孫天崇閒廩生少讀薛

文清讀書錄慨慕其行遂徒步拜謁於祠居常讀書  
必閉戶端坐靜研義理後以鬪亂潛居恭介公菊莊  
日與弟世徵講明理學同爲一代醇儒教授生徒四  
十餘年成就甚衆著學庸心領祀鄉賢

虞繼芳天啟閒歲貢三泉鎮人領鄉兵禦賊陣亡祀鄉賢

張國紀三林里人賈於蘇周忠介以閹禍被逮緹騎勒索忠介金國紀倡諸賈歛緡賂緹騎母爲忠介苦也寇亂居堡有謀揖盜者責以大義仍出已貲周之鄉人由是獲免於難

張貞教庠生時有宗室逼居學宮欲毀墻垣以通馳路貞教與弟名教力爭之禍幾不測曰諸當事事乃平後以貢授澠池訓導

辛 全字復元號天齋少稱神童方總角講河圖洛書

輒能驚其長老弱冠從塾師卽有志聖賢之學每讀程朱書焚香端坐錄其言行以爲法則一時有辛夫子之稱畢守道自嚴聞其名造廬訪焉南提學居益駐節州中召試明體適用策列諸生俾餼於庠尋奉安邑曹眞予爲師學益進一日於廣坐閒或言中庸無聲無臭兩無字最爲元妙全曰不如孟子父子有親五有字更加切實聞者咸頷首老儒李承賜年七十餘願北面稱弟子關中馮少墟楚中賀陽亨各以所學來質吳相國牲倪祭酒元璐路御史振飛等推挽恐後崇禎閒膺貢人京師賀相國逢聖特疏聞於



朝詔以知府用全亦欲舉素所論著如衡門芹經世  
碩畫見諸行事未幾以內艱歸遽嬰病卒全早喪父  
哀毀如禮持七戒三年事孀母愛敬兼至奉伯兄備  
極愉和安貧樂道終其身既沒門人私謚口文敬所  
著見總目祀鄉賢

黃希聲字太音號幼髯性聰敏博涉經史崇禎壬午舉  
人闖亂後杜門不出益肆力於古文辭與陶視菴趙  
子衡李閻章党冰壑時以文章節義相切劘貌清癯  
耽習內典納息引氣忽一日端坐而逝所著見總目

祀鄉賢

陶世徵字肖思號視菴登之孫少負異才名傾流輩崇  
禎閒拔貢好施予獎勸寒峻資給膏火族之貧者多  
賴之會闖入絳搜括貲財世徵以宦族被逮同里數  
千人俄醵金千餘兩詣闕求釋自此閣門著書每月  
朔望集生徒及里中後學於廳事口講指畫諳復不  
厭嘗購書數萬卷儒先語錄蒐輯殆盡所著見總目  
祀鄉賢

張雲鶴字季鳴有義勇精騎射爲周帥遇吉所知嘗有  
艷婦私奔之拒不納

郝允德字甯尹崇 甲戌武進士授利民堡守備署平

陽參將轉保定遊擊督師丁起睿檄勦流寇引兵據北山與賊將鄭五典晝夜抗敵甲申聞變後仍堅拒誓以死殉時闖寇餘黨將陷平陽與知府張尙策更番戰守生擒賊將劉貴賊帥牛金星遁入秦

朱東屏崇禎甲申闖寇陷城東屏謂宗室不可以苟免投繯死遺書几上曰天下皇皇愧無一長君恩未報親恩難忘惟有一死以振綱常子養冲養志亦繼死任惟清崇禎閒以貢授甯平訓導端莊嚴肅時舉忠孝節義規切諸生流寇破城死之甯平入名宦

李如柏四川嘉定州吏目陞王府工正嘉定入名宦祀

鄉賢

王曰善字子好號尊生父顯吾授以易弱冠遊庠研精  
理學愛看喜怒哀樂前氣象九入棘闈輒報罷絕無  
佗僚不平之感王復九延爲正心社主講闡明理學  
崇獎後進士以此爭附之韓雨公誌其墓謂高節似  
管甯雅量似師德非虛語也歿祀鄉賢子復初揚州  
府鹽政同知

李生光字闇章幼端方不與羣兒伍年十歲從闇隆字  
受尙書年十四父歿家益窘或勸改業光曰懌堂上  
之慈而慰地下之嚴惟此青燈殘帙耳後聞辛復元

講道河汾負笈就弟子列常著崇禎闢邪等篇學者多傳誦之所著見總目祀鄉賢

張四端崇禎閒歲貢安邱知縣有政聲祀名宦

國朝

王復初字心一號雲將少從父曰善得爲學大指已復私淑其鄉辛復元不爲剽掠之學由拔貢中順天戊子副榜授古田知縣以嚴行恕吏民奉法惟謹遷揚州府鹽政同知伸許生之屈贖鄒吏之妻政聲藉甚致仕歸闢巖正齋日與党冰壑王君棟闡明性學不與外事十舉鄉飲大賓

孫錫齡字遵仰號和菴順治辛卯舉人壬辰進士授宣  
府推官宣俗剽悍輕犯法有手刃其嫂誣他人者廉  
得之抵以法又有緣逃人株累者冀以賄免斥之曰  
枉安用賄不枉又安用賄按之果枉徑釋之以卓異  
遷監察御史首請纂修孝經衍義丁艱文武官宜解  
任守制又請革行戶以除商害禁私派以蘇民困巡  
陝西茶馬請申印烙之制巡長蘆鹽請蠲積欠以引  
配鹽使豪強不得牟利尋掌河南道累遷通政司左  
參議以疾歸嘗迎族兄女於江南俾無至顛沛韓雨  
公歿而葉落妻至不能掩土亟賻以葬之

常貞吉字豫二順治辛卯舉人任福建長泰縣以廉能  
膺卓異耿逆之變力拒僞職歸里講學著書

李承賜字己夫號肖溪庠生少事安邑曹真予秦中馮  
少墟兩先生安貧積學老而彌篤年七十聞辛復元  
名辛年纔三十師事惟謹卒年八十有八

馬起雲字仲常庠生讀書懷古抱道自守子中捷舉人  
安遠知縣

王 桓字右棟運學生性醇厚敦實行所著見總目

李翀霄字息六拔貢官國史院撰文  
中書會 敬謹親

王以大將軍征湖南參贊軍前規畫多中機宜釋纍

婦一百三十人委署衡永郴道副使遷上荆南道副使將軍率甲士來鎮抗言令駐城外五日內築營房八千有奇兵戢而民不擾遷江甯兵備道海寇軼鳩茲春穀狎霄峙署右藩先檄守江浦令城中各杜門乃偕郎總制梁提督謀潛師長干伏白下龍江之閒復出正兵夜斫賊營而自率吏卒搨金鼓賊驚起伏發踐殺殆盡遷四川按察使兵後株連繫獄者三百人力爲平反殲渠魁三人餘胥釋請革陝西茶馬累以蘇蜀民遷江西布政使鈐藩印簿二偕州縣各執其一執簿兌驗吏胥皆拱手後以微愆去事自漢



遂徜徉林泉以終于世仁仕至廣西左江道祀鄉賢  
馮繼祖字昭武貢生授榆次訓導刊孝經說約諸錄編  
給諸生諳諳以道義相期勉凡束脩來者收而籍之  
用以修葺廟學施給單寒改平定訓導課亦如之累  
舉鄉飲大賓所著見總目

王懋官字克廣順治戊戌進士授歸德府推官有膽識  
己丑庚寅間土寇竊發偕同知徐延議城守事城獲  
全及泄理刑案牘山積剖決如流胥吏無敢舞文者  
尤嗜商畧文事二載以疾歸士民懷之祀鄉賢

王士俊字龍任少以武勇著順治初餘寇未殄郡同知

徐公祚煥委練鄉兵單騎入賊壘招撫賊賊脅後降  
俊不屈遂遇害

陳顯字慷慨有志節明大義自幼善泅水順治六年土  
寇圍州城顯字不避艱險從水門出潛汾水中行數  
十里往平陽請兵殺賊城賴以安

閻調鼎字伯梅順治己亥進士任江甯江甯官清正廉明  
政績丕著裁缺歸里披覽典籍後學多所造就焉

張鳳翼字天翔順治丁酉經魁任保德州學正捐俸修  
廟學陞延長令潔己愛物吏畏民懷

趙世福字魯齋順治丁酉舉人任沁忻二州學正遷星

子知縣兼管南康九江二衛屯田事務均差役修城垣嚴禁溺女月課白鹿洞書院諸生廩給之

李 璿字玉衡順治辛丑武進士授專城守備遷汀州右營守備時有掠人婦女監諸空室者璿多方保釋諭其家使各引還居民皆感其義

閻如珩字錫侯康熙癸卯舉人庚戌進士授廣東徐聞令以廉能課最陞邳州知州所著見總目

許啟芳字馨如康熙庚戌武進士授天津衛屯田守備陞沿河參將歷甘肅撫標左營副將捐俸修文廟設義學延師訓課士風以振歲荒申請賑恤減賦緩征

乙酉從征噶爾丹報捷叙功第一去之日士民泣送  
不絕

楊作禎字翰臣號端齋幼從父園肄業於姑射山讀孝  
經始於事親終於事君遂感激曰士君子立身要必  
從此著脚康熙壬子解元丙辰進士歷官右春坊右  
贊善淡泊自甘公餘杜門誦讀不妄交無私謁任事  
剛決不阿權貴纂修工部會典承

命閱批遼金二史校正資治通鑑俱稱職己未會試分闈  
公明服人里居特置學田以贍貧士立社倉以恤鄉  
族桑梓賴之祀鄉賢

吳道煥字允公康熙己未進士少孤事母孝家貧好學  
與兄道昌相師友任貴筑知縣革積弊判疑獄陞戶  
部督寶泉局清操如故尋遷員外

欽賜緞疋文

御書朱子詩賜之聞喜張扃齊誌其墓

李復泌字則叶康熙壬戌進士翰林庶吉士檢討轉行  
人司行人精研經史宏雅淵博羣推一時宗匠歸里  
後哀輯儒先著述名曰六經考歲戊子平陽劉郡守  
延修府志稱其學有原本云

張念祖恩貢貞教之孫性至孝授建甯通判廉明公正

時耿逆牙將喬正庫踞建寧縣睢尤甚因治博徒而杖其僕正庫訖逆藩念祖曰藩下列不得居境外正庫胡爲在吾土竟不爲屈

党 成字憲公世居城北山崖下近明藩藏水地因號水壑幼卽有志聖賢之學村居鍵戶日誦濂洛關閩諸書以身體之家甚貧取與不苟嘗爲賈舍人荆生作齋解授周元公程正公說無卮辭好爲人辨朱陸異同探本窮歸毫釐千里如錐劃沙著學庸淡言曰知若干種識者謂可擬讀書錄魏大司寇環極聞其名書三至卒不答魏亦高之年將髦貧益甚讀書好

古泊如也卒後州守碑其墓

段炳然字七襄幼失怙事祖母繼母以孝聞捐田一成積穀備賑由例貢授泉州通判值靖逆海寇之變大軍雲集轉餉無滯賊平以軍功陞大理寺寺副因兩世親老乞終養歸建文式書院延進士閩調鼎主講成就尤衆祀鄉賢

李凝祚字亦聖歲貢任壽陽訓導克勤師職遷晉黎知縣民愛戴之解組歸行李蕭然色養二親友愛兄弟闢別墅爲義塾集里中貧子弟躬訓課焉

康善述廩貢任太谷教諭遷廣東陽春知縣陞磁州歷

直隸絳州志 卷之十一  
王  
建甯同知當道以廉能薦因病告歸

王兆鷗歲貢性剛方一介不苟年八十猶授徒不倦多所成就所著見總目

王 瞰字始旦武庠生好讀書體味儒先語錄著述頗富學憲以正儒獎之

梁萬方字統一號廣菴幼嗜學年十五童試冠一軍旋謝去舉子業師事党冰壑潛究濂洛關閩宗旨嘗手錄道統淵源闡明正學又增訂朱子儀禮經傳通解雍正閒三禮館纂修檄取之以備參考先是絳遭水患萬方謹奉母跣步不離後侍母疾衣不解帶者六



載如一日其他出粟賑荒設義塾施橋板凡濟人利物之舉枚數不盡焉祀鄉賢

李世仁字育菴獅霄子襲父廕肄業成均例授刑部主事善決疑獄轉本部員外尋陞郎中凡鞫讞條奏俱手裁不假胥吏尚書圖公倚重之以疾歸起補廣西左江道左江地廣俗悍稱難治世仁振綱肅紀邊民帖然嗣以母病乞假歸卒年六十有七所著見總日李毓秀字子潛國學注選縣丞從党冰壑遊幾二十年守師說不敢變尤研精學庸或問諸書嘗曰西銘太極相爲表裏西銘言其當然太極言其所以然西銘

直隸新州志 卷之十一  
猶大學太極猶中庸也晚而講易敦復齋聽者屢滿  
戶外太平王御史與會往復質疑極傾倒焉年八十  
三卒

王 樸字子郁庠生專精性理諸書其學一以誠實敦  
篤爲主時與李子潛曹元美曲沃賈荆生鄆縣王豐  
川太甯曹陶菴共相商確曹手書迂齋二字遺之因  
自號曰迂叟所著見總目

段 璿祀鄉賢事蹟失考

段 瓚祀鄉賢事蹟失考

張 丕猷字允升號屏翰康熙辛未武進士授蘭州衛守

備時用兵哈密兼值歲荒調劑轉運心力俱勞有聯  
云常念民間疾苦須要爲父母者替他周旋莫思自  
己身家當思做秀才時甘我淡泊因逸盜罣誤軍民  
各詣院憲保畱例弗許衆哀籲益力數日不散乃允  
俟賑荒運餉事竣解任次年歸泣送如失父母亘數  
百里里居杜門謝客惟與二三知己賦詩論古徜徉  
以終焉

許履亨字殿枝幼隨伯父啟芳陝西任習韜畧勇力絕  
入中康熙乙未探花選一等侍衛扈從至熱河暴卒

識其伯之

正嘉統州志 卷之十一  
梁萬稷字翼菴庠生雍正丁未舉賢良方正授衡水知  
縣拯水災清積逋遷天津通判陞承德直隸州決判  
如流先是州有截殺重案眞盜逸不獲誣指董偉董  
秀坐大辟萬稷廉其寃遽釋之歷定州陞廣西太平  
知府

人物下

志之有人物所以揚前徽示後型也必德功言確  
有可據而後論世者無遺議焉絳自辛復元先生  
繼薛文清而起倡明程朱之學以窮理居敬爲薪  
傳嗣後党冰壑李子潛及門私淑代不乏人魏環  
極先生所以稱絳州爲理學之藪也今雖流風稍  
衰矣而讀書好脩之士往往潛心體驗徵諸踐履  
故此篇之採近於立德者居多必終身無玷鄉邦  
交孚者雖不敢遽許爲聖賢之徒亦自無愧於完  
人之目一切門戶標榜情面遷就之私力爲洗滌

後之人尙其景仰奮興求附姓名於先喆庶亦培

風振俗之一端哉

文養蒙字正之義泉莊人崇禎己卯選拔尋中副車辛  
復元先生之高弟也工吟詠善書畫雖未出仕嘗以  
天下爲己任甲申之變先生日夜號泣憤不欲生因  
其父謨年逾九旬未能決捨迫我朝定鼎先生更  
號絳衲居士與父隱居九原山深壑中鑿崖爲洞顏  
曰天地窳蓋取別有天地之義與太原傅青主西河  
王子堅往來贈答時人罕覩其面青主有惜正之老  
友不遇詩太平進士劉贊評云士不講操守則語默

出處全無是處余去正之居二十餘里慕其風久矣  
讀此詩益爲神往先生所著多不留稿後人集其詩  
文數十首行於世

曹仁號惕齋北南社人康熙乙酉舉人其學本謝上蔡  
克己須從性偏難克處克將去以之淑己卽以之教  
人壬寅歲歉家實不給而多方賑濟不屑自謀嘗語  
人曰吾絳自党冰壑後惟李子潛倡明絕學子潛亦  
雅重之有贈詩云孝行真堪師百世廉名不愧著千  
秋人謂定評所著有三要續錄易學心功偶得記

郝增漢字公甫婁莊人家貧力作以養親性嗜學雖隴

耕之暇口不絕吟晚年師党冰壑純靜專篤不苟言  
笑尤精數學步算天文析及毫杪著廣小兒語以訓  
世

張景哲字旣明澤掌莊人制行醅謹入庠後卽謝舉子  
業惟嗜宋五先生書時梁廣菴增訂朱子儀禮經傳  
通解知先生邃於儒先註疏有疑難輒走仵函商書  
成先生與有力焉歿後鄉人醵金樹碑誌其學行

謝丕振字光宗號蓮仙林南里南社人少聰慧博學好  
古尤嗜洛閩微言偶有心得輒手錄之晝之所爲夜  
必記用自勸懲嘗拮据代族子畢婚爲本支置義田



儲辦公務晚年以恩貢司教平遙革除陋規錄居官  
三要以自警輯蘇湖教法以範多士訂稽德考學二  
簿以察優劣作孝弟忠信禮義廉恥詩及勉學吟鐫  
石垂訓言溫氣和輒能因人而導於善以故賢愚皆  
敬之歿後閭恒齋先生爲之立傳所著河汾淵源歷  
載理學正脈考訂精詳其餘著作甚富詳總目

姚吉士字德常龍泉莊人增生體父母愛讀書心克白  
攻苦師事李子潛先生篤志力行手抄諸儒先語錄  
沈潛玩索不少懈著洗心謹言治躁三銘以自省事  
親能得歡心雖家計窘迫親常以有子爲樂比歿殯

葬不事浮屠不牽習俗終三年喪不飲酒食肉友愛  
兩弟多方培養均克成立教人以小學近思錄童蒙  
須知爲本當時以經師人師稱之平居布衣整潔端  
坐如塑雖暗室亦無敬側態及歿閻子縝誄曰性甘  
寒潔希冰壑理析毫芒步子潛人以為知言云所著  
見總目

閻廷玠字子縝號恒齋閻家莊人家貧力學能文章嫻  
吟詠尤篤嗜理學師事李子潛先生得党冰壑手錄  
學部通辨一書識力大定完養愈臨雍正壬子鄉試  
策問朱陸異同先生條對詳明送登賢書官甯武教

諭晚年致仕主講東雍其學與教一以考亭主敬之說爲宗力敦實行而尤以衛道爲己任嘗刊布薛文清公讀書錄李闇章儒教辨正錄以崇正學而黜異說相國陳文勤公手書河汾正派扁贈之著有蓮峯詩文集

張書聖字睿公蘇村人生有異資從師受讀卽能得古人意父病後盪以口吸之無難色時本郡閤子縝稷邑閤君含講明正學睿公一友之一師之躬行實踐不爲空談親歿秋霜春露慎重祭祀喜讀朱子資治通鑑綱目謂溫公德勝才勝等語當熟思錄楹廬家

訓於屏示世世遵守易箴時遵命喪葬勿用樂尤以  
兄寬弟忍無聽婦言爲諳諳生乎粗衣糲食而輸粟  
救荒者三其他與社學脩道路繕橋梁種種義舉指  
不勝屈

王捷掄字聯陞陽王南頭人乾隆乙酉舉人耿介不  
喜浮華歷任涿州遵化州州判樸素自持毫無苟取  
致仕歸清廉聲稱至今頌之

來希孔字子庸號誠菴北行莊人幼承庭訓發憤讀書  
頗有實獲入庠後設教本莊標誠敬二字爲讀書之  
要時時提醒弗置先教以小學次授以國書經史勤

勤懇懇務期心解而力行之家教尙嚴門內從無嬉笑詬誶聲喪葬不延浮屠會葬者供以素食不用酒肉其從禮不從俗類如此

黃洽字融之號鏡堂周莊人由翰林官湖南衡州府權衡永郴桂道其初之衡也僕從二三人隨帶小箱一具或訝之曰豪侈者必貪吾以清其源也嘉慶庚午秋闈監試內簾關防嚴密積弊一清時有副考官家丁干求不遂乘閒行刺傷其臂不稍動試竣奏聞置諸法由是直聲益著官衡五載潔已率下力裁一切陋規復脩建石鼓書院及青草橋士民戴之殲後輿

正業錄卷之十一  
五  
觀旋里鄉民泣送者自衡抵長沙不絕於道

吳峨峰字壯川歲貢蘇陽莊人事親孝友于兄弟晚年  
謝舉子業專心於濂洛關閩之書嘗語人曰士君子  
讀聖賢書當知正心誠意安可徒事口耳閒乎

王怡桂安里人廩貢生陵川縣教諭以父病乞假歸侍  
奉逾年略無倦色及卒哀毀骨立終三年喪不出里  
門有欠債者貧不能養母公知之焚其券復周以財  
其人感泣卒以孝聞性狷介寡言笑屏居一室終日  
危坐人或譏其拙不與辨也嘉慶元年公舉孝廉方

正

趙學曾字省三南行莊人家貧嗜學喜爲排解往往得  
其一言而爭立息所居在村西人僉稱爲西頭先生  
鄰有不肖子爲人所執皇然曰責罰惟命乞勿令西  
頭先生知否則惟有死耳衆釋之遂改行爲善

郝天年字慎終號敬齋韓家莊人早失怙事母至孝及  
母喪葬祭一本家禮少貧無力從師每過鄉塾竊聽  
歸輒成誦稍長貿易蘭皋日攜一冊暇則潛心誦讀  
年五十九從省齋王先生遊悟居敬之旨因以爲號  
每日正衣冠危坐闔闔中無貴賤賢愚咸以郝夫子  
稱之生平喜喫虧而不肯置人於不義嘗言喫虧亦

須學也其體察如此有鄉人爲債迫幾死慨然以五百金助之晚年敦睦鄉族建義學置祭田朔望集鄉人講 聖諭前後捐貲不勝舉州牧重其人報充奎文閣典籍鄉飲介賓未成禮而卒

潘貢疇號漱石字錫九店頭人六歲失怙孝養厥母稍長從師遠學每歲時必歸省舉嘉慶丙子孝廉大挑知縣以母疾不就母歿服闋補山東安邱縣清廉有政聲捕蝗尤力民賴以安聞絳重脩文廟卽遣使捐二百金並寓書執事曰昔爲貧而仕今仕而仍貧命也後以年老被議杜侍郎翻曰漱石爲國爲民實心



任事今年老鑄職山東從茲無廉吏矣生平著述甚富家貧無子遂以殉葬今僅傳草書辨似輯略

喬佐洲字子瀛號仙舫世居城內孝義坊家雖素封不染紈袴習幼有大志弱冠失怙遂廢學以捐賑

恩賜舉人援例得兵部武選司員外郎又籌餉例晉

戶部正郎時字內承平士大夫多正人君適丁其盛

與田季高京兆祁壽陽相國彭荷村比部賈亮才鴻

臚暨同鄉郝夢山孝廉送抱推襟極風流壇坫之樂

歸田後訓子孫以讀書近正人爲要曰此成敗盛衰

之關也校刻党冰壑先生全書及王定九所纂六字

箴言以示嚮往生平無他好彈琴摹帖老而愈工卒  
年六十二

王爾中字子履東林陀人道光壬辰科經魁父歿六月  
始生飲食教誨一賴母力性聰敏授經輒能成誦爲  
諸生時應湖北學使之聘一夕夢母心動遽辭歸壬  
辰秋試後聞母病晝夜冒雨反至家母已歿一慟幾  
絕數日捷音至更慟哭嗚咽恨不逮母之存也厯主  
本州鄉甯平陸講席士風丕振當時牧令非公事莫  
晤其面晚年妻子俱逝貧益甚其友毛斌甫爲捐教  
諭終不赴任

閻敏行字遜堂東韓梁人性沈厚自幼勤於學博覽羣書尤嗜讀周易小學性理大全從學者先令讀小學全書不能全讀者編小學十則以授之故出其門者士多謹飭以歲貢署吉州學正捐俸補脩文廟東西廡神位及祭器吉州諸生至今稱之

郝臺魁字夢山號杏園婁莊人名與字悉孕時夢兆也性方謹學問淹雅雖家常弗給絕口不言有無嘉慶辛未 睿皇帝巡幸五臺以諸生 召試

欽取舉人歷官沁水太原等縣訓導與相國祁文端公爲文章道義之交嘗襄理 南書房筆墨並繕

御製詩餘集數蒙

恩賚晚年主講宏運書

院著有安遇堂詩文集

吳蔚字靜菴蘇陽莊人性嗜書手不釋卷婚葬諸事胥  
依朱子家禮暇輒講孝經衍義以訓家人幼失怙恃  
未獲躬親侍養長始克葬結廬墓旁每飯必吳涕泣  
將之

郝步雲字龍友世居婁莊以孝謹聞食餼後文名藉甚  
而淡泊自如未嘗輕履城市州牧甚敬之再三延請  
終不一至公門也設教本莊遠方多來學者嘗語之  
曰士先品行不得以工制藝長吟詠遂自謂上等人

物故成就者咸知砥礪至今稱其教術焉

王世俊字秀軒歲貢本城人家貧力學失怙後舌耕養  
母母失明奉事周至以孝聞性剛直人不敢干以私  
雖居城內曾無一字竿牘故州牧呂公重其爲人嘗  
以方正稱之絳俗奢靡感世俊儉樸之風統袴膏粱  
稍斂抑焉設帳四十餘年教尙嚴成就甚衆卒年七  
十有八

張其籍字玉書吉莊人監生少事繼母以孝聞道光己  
酉脩學宮其籍綜理勤慎州人信重之絳有舊書院  
係前明王府故業西人據爲教堂者也雍正間逐其

人而建爲書院咸豐季年中外議和部檄還西人故地其籍傷心感奮以學宮餘金購地基於貢院之東鳩工庀材規制大備是爲城內東雍書院生平見義必爲類如此舉鄉飲介賓卒年七十有七

葉長春字仙圃木贊莊人淡泊寡營不理生業辛巳領薦後屢館大姓課徒之暇卽涉獵羣書不一問門外事有以疑難質者輒指示源委工草書求者踵相接當時牧令亦多珍其筆蹟先生雖無不應而重知自愛四十餘年未嘗一入公門也

馬騰蛟字海峯周莊人歲貢幼入塾卽不與羣兒伍弱

冠時得嘔血疾恐貽父母憂醫藥調養父母不知也  
設帳本莊遠方來學者甚衆管戒之曰人生奉父母  
遺體虛度歲月爲天地一棄物卽爲家庭不肖子以  
故成就多端人生平謹嚴自守不依門戶不逐聲華  
士林咸矜式焉其學博文高特餘事耳

郝名高號厚菴別號耐菴婁莊人廩貢生積學明理尤  
得力於靜卒年八十有三嘗曰仁者壽靜者壽默者  
壽拙者壽殆自道其所得云著有復初錄壹知齋記  
趙國璧號慎修學會子性謙抑從不作一自矜語或有  
犯亦弗校也入庠後授徒本莊歲恒數十人嘗食脫

粟飯有巨富子來學其父請朔望肉食答曰讀書非  
謀食也如不能安淡泊請自便後遂無復言者講學  
以敦品爲先課藝以晰理爲要絕不染世俗輕浮習  
嘗曰敏捷非真才好學乃真才也學憲按臨試輒優  
等丙寅歲貢癸酉舉於鄉主講鄂水書院課程一如  
家塾或半載一歸或竟年始歸成就乃益衆卒年六  
旬有七